

❖ CAROL NADOLIG

Na foed telyn ar yr helyg
 Nac un tafod heddiw'n fud
 Rhag clodfori enw'r Iesu
 Ddaeth yn faban bach i'r byd;
 Ym mhreswylfa'r gwardigion
 Sant a seraff sydd yn un
 Yn cyhoeddi newydd eni
 Ar y ddaear, Geidwad dyn.

Bu proffwydi a salmyddion
 Yn hiraethu am y dydd, –
 Dydd cyflawni addewidion,
 Dydd o ras i'r caeth a'r rhydd;
 Ac ym Methlehem Efrata,
 Yng nghyflawnder amser Duw,
 Trwy ufudd-dod Mair y Forwyn
 Daeth Gwardwr dynol-ryw.

Doed minteioedd yn ddiorffwys
 I gael gweld y wyrth a wnaed,
 Gan ddyrchafu enw'r Arglwydd
 Ac ymostwng wrth ei draed;
 Tuag yno teithiwn ninnau
 Ar yr ŵyl dan wŷs y Nef,
 Nid yw'r ffordd ymhell o unman
 Yng ngoleuni'i Seren Ef.

T. Elfyn Jones